



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Leonardi Lessii E Societate Iesv Theologi Opusculum
Asceticum Posthumum**

Lessius, Leonardus

Lovanii, 1643

47. De Beatitudine Dei.

[urn:nbn:de:hbz:466:1-46564](#)

istorum omnium mentes effunde,
vt aduertant cæcitatem & errores
Iuos; vt videant æternæ salutis dis-
crimen quod certissimè illis im-
pendet: vt amplectantur lucem
doctrinæ tuę, quam per Ecclesiam
omnibus proponis, & sic illuminati
tuam maiestatem ac prouidentiam
agnoscant timeant, ament, laudent,
venerentur, & hīc pro tempore hu-
ius vite, & postea in omnem æter-
nitatem Amen.

CONSIDERATIO XLVII.

De Beatitudine Dei.

Beatitudo formalis naturæ
rationalis, hominis & An-
geli consistit in clara visione
Dei, summi boni nostri.
- eiusq; amore & fruitione. Vnde Dei
beatitudo formalis consistit in cla-
ra visione sui, in sui amore & frui-
tione. Ipse enim sicut est summum
bonum

bonum hominis & Angeli ; ita etiam est summum bonum fui : nec potest fingi aliud bonū ipso maius, aut excellentius , cuius visione & fruitione ipse sit beatus. Tantum itaque est bonum ipse Deus & diuina essentia , ut sola ipsius visio & fruitio , seu gustus dulcedinis ipsius, etiam Deum ipsum beatum faciat ; sicut amor sui facit ipsum iustum & sanctum.

Itaque Deus *Beatus* dicitur quia seipsum clarè videt & amat, & se ipso fruitur, tanquam summo bono suo. Vnde cum seipsum comprehensiù & infinitè videat , & amet, & de se infinitè gaudeat; necesse est ipsum infinitè beatū esse; & ipsius beatitudinem formalem prorsus esse infinitam: nam isti tres actus prorsus ad equantur obiecto, quod prorsus est infinitum.

2. Dicitur *Beatus*; quia per es-
sentiā beatus est, sicut & infini-
tus, &

tus, & sanctus: immo ipse est sua beatitudo formalis. Ipse enim est sua visio, suus amor, suum gaudiū, sua delectatio &c. Non enim haec in ipso sunt accidentia, vel actus vitales eliciti vi luminis gloriae in intellectu vel voluntate ipsius, sicut in Angelis & hominibus; sed sunt ipsa simplex forma per se subsistens, quae est ipsius essentia: quod maximè est admirabile.

3. Dicitur *Beatus*; quia non solum est sua beatitudo formalis, sed etiam est sua beatitudo obiectiva; cuius visione & fruitione & ipse, & omnes sancti sunt beati: ipse enim non solum est sua visio, suus amor, suum gaudium; sed etiam est sua essentia, & suum summum bonum; & obiectum, in quo omne bonum, cuius visione & fruitione, & ipse beatus est, & omnes sancti beatificantur. Itaque ipse, & ex parte actus, ut sic loquar, & ex parte obiecti,

fecti, à se beatus est; atque adeò est sua beatitudo tā formalis quām obiectua.

4. *Beatus* dicitur; tanquam auctor omnis beatitudinis, in Angelis & hominibus. Ipse enim illos condidit ad imaginem, & similitudinem suam, ut eos beatitudinis suæ faceret participes; deinde, eis gratiæ dona infudit, quibus possent eam mereri, eiusque se dignos præstare; & perseverantibus in statu gratiæ, post mortem infundit lumen gloriæ, ut eum clare videre, eiusque dulcedine, & pulchritudine frui possint, in quibus actibus consistit nostra beatitudo. Quare cùm omnis beatitudo ab ipso descendat, sitque participatio quædam beatitudinis ipsius, necesse est ipsum modo infinitè excellentiori beatum esse.

N

Con-